

• procurare possint, et si qui eorum notarii existant, instrumenta
• per eos conficere non valeant, sed cum auctore damnato damnentur. Eorum debitores ab his, quae eis debent liberati existant.
• Nulli eis, sed bene ipsi aliis super quocumque negotio de jure
• respondere teneantur: filii quoque et nepotes aliique descendentes eorumdem usque ad quartam generationem ecclesiis, monasteriis, canonicatibus, dignitatibus et aliis beneficiis et officiis ecclesiasticis, quae eos tunc obtinere contigerit, sine spe restitutionis eo ipso sint privati. Et ipsis ac aliis natis tunc et qui postmodum nascentur usque in generationem praedictam ad illa, quibus sic privati forent et alia ecclesias, monasteria, dignitates, administrationes et officia, aliaque beneficia ecclesiastica, et ad quoscumque ordines et honores ecclesiasticos vel mundanos sit penitus reclusus aditus et ascensus. Et cum salubre existat ac publicae utilitati non parum expedire noscatur, eosdem sic tot censuris et poenis ligatos a Christi fidelium coetu, tamquam membra putrida, ne eorum versutiis alios ad eorum perniciem deducant, segregare, universas et singulas Paduan. Veronen. Vicentin. Brixien. Tarvisin. Pergamen. et aliarum civitatum, terrarum et locorum ditioni eorumdem venetorum obtemperantes communitates, universitates, et quas in eis tempore quo praefati veneti privationis juris eorum in illis poenam praedictam incurrant, habitare contigerit singulares personas et generaliter quoscumque vassallos eorumdem sic monitorum dicta auctoritate de simili consilio requirimus et monemus, ac eis et eorum cuilibet mandamus, ut infra sex dies, quorum duos pro primo, duos pro secundo et reliquos duos pro ultimo et preceptorio termino eis et cuilibet eorum canonica monitione praemissa assignamus, ab eorumdem venetorum et existentium tunc in civitatibus, terris et locis praedictis pro eisdem potestatum, capitaneorum, providitorum et quorumlibet aliorum officialium obedientia penitus et omnino quantum in eis est se subtrahant et illos in eorum superiores nullatenus recognoscant, nec illorum